

F 24
1887



თეატრი

საქართველ-კვირათ სალიტერატურო და სამხატვრო გაზეთი

1887 წელსა

№ 5

თეატრის 8.

გაზეთი ღირს: ერთის წლ. 5 მ., ნახ. წლ. 3 მ., ცალკე ნომ. 15 კ. ხელის მოწერა მიიღება: თბილისში რედაქ. კანცლარიაში. ფოთში ბესარ. კალიანდაქსთან. ადრესი გარეშე მცხოვრებთათვის: ТИФ-ЛИСЪ, ВЪ РЕДАКЦІЮ ГАЗЕТЫ „ТЕАТРЪ.“ გაზეთი ისყიდება: თბილისში ჩარკვიანის წიგნის მაღაზიაში; ხიდის ყურთან: ალინანოვის პაპიროზის მაღაზიაში. ქუთაისში: ჭილაძეთ წიგნის მაღაზიაში და ბათუმში პარიკ-მახერ არსენასთან.

საგაზეთოდ დანიშნული წერილები (კორექსპონდენცია) გარკვევით უნდა იყოს დაწერილი. თუ საჭიროება მოითხოვს წერილებს რედაქცია შეასწორებს. რედაქცია არა კისრულობს წერილების უკან გაგზავნას და მათ შესახებ მიწერ-მოწერას.

ყოველ წერილში უნდა იყოს მოხსენებული: სახელი, გვარი და საცხოვრებელი ადგილი დამწერისა.

ნ ა ნ ა.

ნანინა შეიქოო ნანინა,
ნეტავი რამ შეგაშინა?
მოისვენე დაიძინე,
აქა ვარ შენთან, შენს წინა

65

იძინე ტებილად, უშიძრად
შე ვიბრძვი გარეთ და შინა,
როცა შენ წამომეზრდები
შე დავისვენებ მაშინა.



ჟურ კი შე კირწევ აკვანსა
 და გომღერ ტუბილად ნანასა,
 ღმერთი მომასწრებს ნატრობდენ
 ეველა შვილს შენისთანასა,

აჭევაუდეს შენი სიცოცხლე
 და შენი სწავლის წუერვილი,
 გამრავლდეს შენი ნაშენი
 და შენი წვრილი შვილები,
 იუფენ გელ-ლომნი მამაცნი
 ღვთისაგან დალოცვილები

გ. ნინო ორბელიანისა.

I თებერვალს 1887 წ.

სატირას რა აქვს საზნად? *)

სატირის საგანს შეადგენს ან საზოგადოების, ან ცალკე ში-
 რის შეცდომის, სისუსტის და გარყვნილობის დაცინვა. სიცილი
 მსიარულებას ბადებს, მსიარულება კი თვითონ შეადგენს კაცის სუ-
 ლის ერთს უბედნიერეს მდგომარეობათაგანს. „თითქმის ყოველს
 ენაზედა—ამოებს ოდისონი—შეგზავლებთ მკტაფორა: მინდვრები
 იცინიან, ტყეები იცინიან“. ეს მოვლინება გვიმტკიცებს, რომ სი-
 ცილი თვითონ რაღაც მიმზიდველი, საყვარელი რამ ყოფილა. იგი
 აცსოველებს კაცის სულს, ან მით, რომ მწუსარებას უფანტავს,
 როდესაც სევდით მოცულია; ან უღვიძებს სულის მოქმედების ძა-
 ლას, როდესაც ტკინით დაღალულია. სულცერის თქმით სიცილი
 ორნაირია: ან მარტივი (უშირადო), რომელიც შეება-ღსენისაკენ
 მიგვიწოდებს, ან რთული (შირადი) ე. ი. შეერთებული გარეშე სა-
 გომნობელსა და საცნობელთან. შესაქცევარი საგანი მარტო გვა-

გადმოკეთებულია.

ცინებს. ამ გვარს სიცილს ეწოდება უბრალო, უშირაღო, მარტივი. შირი-ქით იმ საგანს, რომელიც სასაცილოა და თანაც რამე ნაკლს, არა მოსაწონს შეიცავს, ეწოდება რთული, შირადი სიცილი, რადგან ამ გვარს სიცილში მოქმედებს ჩვენი შირადი სიმშატია ან ანტიპათია, ე. ი. ჩვენი საკუთარი უშე.“

იშვიათია იმისთანა კაცი, რომელსაც შეეძლება საგნების სასაცილო მხარეთა ზოგნა და ნახვა, მისთვის რომ საგნებს თან ახლავს იმ გვარი მოულოდნელი მსგავსებანი, რომელნიც ჩვეულს მსედველობას უსსლტუბიან. აქვე უნდა ვსთქვათ შეგავშირებაც იმ გვარ საგანთა, რომელთა შეერთება ან უბუნებოა, ან სასწაულია. ყოველივე ეს შედგენს სასაცილოს არსებას.

შირველის შესუდვით ამ გვარი სუძრობა ჩვენ გვეგონება მსიარულის კაცის თვისება, მაგრამ მსიარულება სასიათია; სოლო საგნის შესაქცევარ მხარეთა ზოგნის ნიჭი კი — ჭკუის საკუთრებაა, რომელთანაც შეერთებულან აგრეთვე მისი სხვა უმაღლესი თვისებანიც. კაცი, რომელიც სასიათით მსიარულია, ეველაფერს კარგი თვალით ხედავს, თითქო კაციც და ქვეყნაც მისი გუნების ყოფილიყოს; მისთვის ეველაფერი საღია; მას შეუძლიან იცინოს, მისთვის რომ სიცილი და მსიარულება თითქმის ერთი და იგივეა, მაგრამ ამისთანა კაცი ცოტად შენიშნავს საგნის სასაცილო მხარეს, ე. ი. მის მიერ ცნობისა და გაგების წინააღმდეგს, რადგანაც მას უნდა დიდი გამჭრიახობა, შორს მჭკრეტელობა და მასიელი ჭკუა, რომელნიც მსიარულის კაცის სასიათს სრულიად არ ეთანხმებან. შირიქით, ვისაც დაცინვის ნიჭი აქვს მას სასიათის სიღინჯეც ეტეობა და ღრმად მსუელის ჭკუისაც არის.

კაცმა რომ ჰზოგოს საგნის რამე სასაცილო ან დასაციანი, რომელიც ჩვეულის მსედველობის ჰატრანს შეუნიშნული დაწნება, მაშინ ის საგანი უნდა განიხილოს ყოველის მსრით, რისთვისაც საჭიროა მოფიქრება და იშვიათი ჭკუის მასილობა; კაცმა რომ შენიშნოს აგრეთვე ის მოქმედება, ან სასიათი რითაც შორდება ნამდვილს წესებს და მერე ეს მოშორება წარმოადგინოს სასაცილოდ, ამისთვის საჭიროა საგნის საღი და სრული ცნობა, გამჭრიახობა, დამკვირვებელი სული და ცხოველი გამომსატველობა. აქედგან ის აზრი გამოდის, რომ ეს უკანასკნელი ე. ი. მასიელი დაცინვის ნიჭი იშვიათის გენიოსების სკედრია, ამ გვარის ნიჭის

ნაყოფი შეიძლება მარტუბელიც იყოს და მანუბელიც, როგორც სა-
ზოგადოებაში, აგრეთვე მწერლობაშიც; მაგრამ უკნასკნელში უფ-
რო დიდ კვლას ქსტოვებს. დანინვა უოველ ფილოსოფიურს დარ-
წმუნებაზედ უფრო ძლიერად არღვევს უგანო წინა-მოსაზრებას
და მოქმედებას ბიწიერებაზედ. დანინული საგანი ჩვენს თვალში
მცირდება; ჩვენ მიერ საგნის პატივის ცემსთანვე იგარება ის
კაპშირიც, რომელიც საგნსა და ჩვენს შორის იყო. ნუ ვიფი-
ქრებთ, რომ დანინვა სრულიად ასწორებდეს გარეწილს კაცს; ის
უჩვენებს კაცს მხოლოდ ურიგო მხარეებს, შეიძლება კიდევაც
აგრძნობინოს ამ გვარ მხარეთა გამოცვლის საჭიროება. ეს იარა-
ღი უფრო ძლიერად მოქმედებს გასასწორებლად ახალ გარეწილ-
თა, რომელნიც სხვის მაგალითით მოტყუებულან. დანინვა დამ-
ცინველი იარაღია აგრეთვე. იგი ქსლევს კაცის ცუდს მხარეებს
იქაც, სადაც სხვა იარაღი გამოუდგება. მეორე მხრით, დანინვა
დიდად მანუბელიც იქნება, თუ იგი შეერთებული არ არის კეთილ-
შობილს ხასიათსა და წმინდა ზნეობასთან, რადგანაც დანინვას
შეუძლიან დაამციროს ის, რაც ჩვენ საღვთოდ მიგვანჩია. ფილო-
სოფოსი და პოეტი დანინვას ხმარობენ ზნეობის სასარგებლოდ.
სატირიკოსი და კომიკოსი მით ემსგავსებიან მორალისტ—ფილო-
სოფოსს, რომ ისინი ემსახურებიან ერთს და იმავე განზრახვას,
მაგრამ სხვა და სხვა გზით კი მიადწევენ მას. მორალისტი ან
ზნეობის მოძღვარი მსკელობით არწმუნებს ჭკუას, ეუბნება გულს.
შირ იქით კომიკოსი და სატირიკოსი დასცინიან ზნეობის უგა-
ნობას და მით მიგვიზიდვენ ზნეობის სიმშვენიერისკენ. განსხვა-
ვება სატირასა და კომედიას შორის ის არის, რომ კომედიაში
ჩვენის თვლით ვხედავთ იმ ორიგინალობას, იმ ბიწიერებას, რომ-
ელითაც სატირიკოსი მხოლოდ ჩვენ ჭკუას წარმოუდგენს, კომი-
კოსები თვითონ გამოდიან სცენაზედ და თავის თავად წარმოგი-
დგენენ კაცის ნაკულულოვანებას. პოეტი კი გამოდის სცენაზე,
შეგვაქცევს, ან მახვილის დანინვით აღვიძრავს სიმულვილს ნაკულ-
ულებების მიმართ. აქედან აღვიღად შეგვიძლიან ვინცდეთ სატი-
რიკოს—მოშაირის და კომიკოსის დანიშნულება და მიმართულება.
ორსავე უნდა ქქონდეთ დამკვირვებელი სული, კაცის გულის ღრმად
ცოდნა და ნაკულულოვანებათა სასაცილოდ წარმოდგენის სელოვება.

მასკილის დატინვის ხელოვნება მასშინ მოიტანს უფრო კარგს ნა-
ყოფს, როდესა უერთდება მაღალ გრძობას, კეთილს განმრავს
და ნამდვილს ჰატივის ტემას კაცის მოვალეობის მიმართ. ნამ-
დვილს სატირიკოსს და კომიკოს - მოშაირეს უნდა ეზიზღებოდეთ
მათ მიერ გამოხატული ბიწიერება, მაგრამ თუ ეს ზიზღი არ
გამომდინარებს კეთილის მიმართ მისწრაფებისაგან, თუ ისინი ე.
ი. სატირიკოსი და კომიკოსი ქვეყნიერობას და კაცობრიობას
მიზანტროპიებით უუურებენ და არა კეთილის გულით, კაცთა
მოყვარებით და თუ მათ არ ჰსძულთ ბიწიერება, როგორც კაცის
ბედნიერების წინააღმდეგი, მასშინ ისინი მკითხველთა გულში აღ-
ძვრენ მხოლოდ ერთის მოღრუბლვის გრძობის სიძულვილს, რო-
მელიც კეთილს ნაყოფს ვერ გამოიღებს, თუ სიყვარულის თანა-
სწორი არ იქმნა. სიძულვილი სულს ავიწროებს, სიყვარული კი
აფართოებს, მიიზიდავს მას კეთილის საქმნელად. „გულის სით-
ბო სატირიკოსის მუხა უნდა იყოს“ ამბობს სულჯერი. დამტინ-
ველი კაცი ყოველის კეთილის გრძობით, სიყვარულით და ჰატი-
ვის ტემით სავსე უნდა იყოს. ამისთანა დამტინველი საზოგადო-
ბის დიდს სარგებლობას მოუტანს და თავსაც არ იდეენს, რად-
განაც უმრავლესობა დაწმუნებული იქნება, რომ ის ამ ნიჭიერებას
კეთილ სინდიისანად სმარობს. ის სატირიკოსები კი, რომელ-
თაც ჰილდოდ არ რგებიან ეს ზემო ნათქვამი თვისებანი და თა-
ვის სურვილისამებრ განურჩევლად ჰზოგებენ ყოველს საგანში რახ-
მე სასაცილოს ან დასაცინს, საზოგადოებას დიდს გნებას მოუტა-
ნენ და თვითონაც მის მიერ საძულველნი გახდებიან.

ქ. ტბილისი.

1886 წ. 28 სექტემბერს.

თეკლათელი.

კ ნ. კ ა კ ო ს

შენის ნუგეშით აღარ მატებობ,
აღარ მიგონებ
და შენს საამოს ტკბილსა სმას
აღარ მაგონებ.

შენ არ კმდური ზედი მღვინის
შავი წვეული,
მით დაგავიწყდი მე ბედკრული
სვედას ჩვეული.

ვის რათ გინდივართ,
არ მოვალხენთ აწ ჩემი ენა,
ვის იაშება სულ წუწუნნი
და ბედის წვეულა.

სეკტემბერი 1886 წ.

კ. ნინო ორბელიანისა.

თ ე ა ტ რ ი ს კ ვ ი რ ა .

ჰეავილს ზამთარაჲ უსწრო.

(სურათი.)

პირველად მე შევხვდი ნინოს, ერთ მშვენიერ სიტკბოე-
ბით საესე მაისის დილას. მზე მთლად შებურვილი იყო მსუ-
ბუქის ბურუსით და ათბობდა სურნელოვნებით გატენილს
ჰაერს და რალაც მომხიბლავ გულის გაბედის მყუდროებით
ავსებდა კაცის გუნებას. მკრთალის სხივებით განათებული,
გარშემო გადაშლილი ბუნება, სიტუტრფით ამაყოზდა. მთა და
ველი, ხე თუ ბალახი, ვარდი თუ ასკილი ერთ გვარის სიკე-
კლუტით იჩენდა თავის სიმშვენიერეს და ახალს სამოსელს.

პრაფითარი სიო არ არყევდა ბუნების სიმშვიდეს.

მხოლოდ ერთ პატარა ხეხილის ბაღში, დიდ კაკლის
ქვეშ, დუღუკი დაგუგუნებდა და მას ბანს აძლევდა ხის ქვეშ
მომდინარე პატარა რუს ჩქრიალი.

მედულუკეებს გარშემო შემოსხდომოდნენ რამდენიმე კაცი და ქალი; ესენი სუყველანი ჩუმად ისხდნენ და მხოლოდ უძრავად თვალს და ყურს აძლევდნენ სრულ თავისუფლებას.

ამ დროს მე შემიყვანა ამ წალკატში, ერთმა ჩემმა ამხანაგმა და ჩემდა სამწუხაროდ ამითი შეერყია მსმენელთ კმაყოფილება და დამკერელების არტისტიული გატაცება.

— ბოხოეთ იცნობდეთ: თავადი ბლექსანდრე ბ—ნი, თავადი ნიკოლოზ ბ—ნი, თავადი მიხეილ ბ—ნი, და სხვანი რამდენიმე თავადნი და თავადის მეუღლენი გამაცნო ჩემმა მეგობარმა მე ამ დღეს, მაგრამ მე ამ დღესვე გავიცან თავადის ასული ნინო უსმაროძისა, რომელმაც სრულიად წაშალა ჩემ თვალში დანარჩენის სახეები.

მს კეკლუცი, თექვსმეტის წლის უმანკოება შემკული იყო ყოველის მშვენიერებით, რაც კი დედაკაცის ბუნების საუკეთესო სამკაულს შეადგენს. ნინო ნაზად წამამიდგა ფეხზედ და წრფელის მორცხობით ხელი გამამაწოდა.

მე არ მიყვარს დედაკაცი, რომელიც ძალით, ღონით, სიტყვით და მოძრაობით სავსე არ არის ცხოვრების ავკარგანობასთან საბრძოლველად, მაგრამ ნინოს ჰაეროვანმა სიტურფემ სულ დამაფიწყა ჩემი პრინციპები.

მე იმაში ვხედავდი, ერთ იმ იშვიათ ტიპთაგანს, რომელნიც ათასში ერთი და მოიპოვებიან ჩვენ ქვეყანაში და დაკვირვებით ვშინჯავდი მის არსებას.

მის იყო ნაზი, როგორც ზეფრი, მორცხვი როგორც უმანკოება, მშვენიერი როგორც გაზაფხულის ყვავილი და ტკბილ ხმოვანი, როგორც იაღონი.

თანთ ეცეა ციაგი ლაჭვარდი კაბა, ციაგივე ვარდის ფერის სარტყელ-გულის პირით, თავზედ გადამლილი ნაკერი ლეჩაქი, რომელ ქვეშიდანაც უხვად გამოიყურებოდნენ წაბლის ფერი კულულები. შუა ტანისა, მშვენიერად მოყვანილი, იმის მოძრაობა სავსე იყო სიტურფით და კეკლუცობით. ამის პირის ფერი უფრო მიემგზავსებოდა ასკილის ფურცელს, ვიდრე მაისის ჩაჯიკრებულს ვარდს. ყვავილს წაბლისფერივე კალოა-

ანი თვალეები მთლად განვეულნი იყვნენ გრძელს და ხშირ წამწამებში. მაგრამ დამაგვირგვინებელი წინოს სიტურფისა იყო მცირე - ოღნაუ ღია ორი ჰაწია ვარდისფერი ტუჩი, რომელზედაც ყოველთვის სიტკბოების და სიკეთის ღიმილი გამოსჭუვდა და თქვენში, წინოს სიმშვენიერით ახტაცების მაგიერად, სძრავდა რალაც გამოურკვეველ თაყვანის ცემას მისადმი. წინოს ცქერის ღროს კაცის გული სრულიად დამშვიდებელია, მხოლოდ თვალი სტკბება ბუნების საუცხოვო ქმნილებით. თქვენ გინდათ, რომ შეუწყვეტლივ უყუროთ იმის კეთილ არსებას და დასაკუთრება კი თქვენს ღღეში არ გაგივლით გულში.

— მე ღარწმუნებული ვარ, რომ თქვენ მშვენიერად ცეკვავთ ლეკურს, უთხარ მე წინოს, როდესაც ჩემი მოსვლის შემდეგ სტუმრები აიშალნენ და მედუღუკეებმა ლეკური დაუკრეს.

— არა, თქვენმა მშემ, მორცხობით მიპასუხა იმან. ლეკურს მარღობა უნდა და მე ძრიელ მძიმე ხასიათისა ვარ.

— ოჰ, თქვენ მოძრაობას, როგორიც უნდა იყოს, თუ გინდათ ძრიელ მძიმეც, მაინც სულ სხვა სიკეკლუცე დაეტყობა, უპასუხე მე. ნუ დაიზარებთ და თქვენის ხელის გაშლით გვასიამოვნეთ.

— წინო მთლად აენტო, თავი დაღუნა და ისეთის სინაზით გაიღიმა, რომ მთელი ჩემი არსება ნეტარების კმაყოფილებით აავსო.

— მითამაშებ, თუ გნებაესთ, მაგრამ ნუ დამცინებთ, მითხრა იმან და გავიდა წყნარად. იმის მოძრაობა იყო მძიმე კი არა, მღორე, მოციმციმე, დარბაისლური და ლალი. შოველი იმისი ხელის აღებ-დაღება სავსე იყო საღობით და ბუნებრივის სიკეკლუცით, ის არ ცეკვავდა გატაცებით—მარტო წერვების მოწყალებათ, არა, ის ცეკვავდა მოფიქრებით, გულხმიერად, რომ ამითი ესიამოვნებინა მათთვის ვინც ამის ცეკვას სიყვარულით სავსე თვალეებს ადევნებდნენ.

— ბულით გმადლობ, თავადის ასულო წინო უთხარ მე იმას რომ ერთი კიდეე მაღირსე მენახა წამდელი ქართველის

ქალის ცეკვა და არა გრეხვა-პრანჭვა, რომელსაც ეხლა ლექურს ეძახიან.

— მაგას რას მიბრძანებთ, ჩემო ბატონო; ჩვეულებრივის სიწრფელით-მითხრა იმან, განა ნატო, პნეტა, სონა ჩემზედ კარგად არა თამაშობენ? ჩემი თამაშობის მოწონება თქვენის მეტის არავისგან გამიგონია. და ეს სიწრფელე ნამდვილი იყო. ნინო იყო სადა, როგორც ნამდვილი ბუნების შვილი და თავმოწონებით არ მოსდიოდა თავისი თავის დამდარება, რომ ამითი უფრო უხვად გამოეწვია მაყურებლის ქება და აღერსი.

ჩვენს ლაპარაკს დიდის კმაყოფილებით ყურს უგდებდა ნინოს მამა, ზრიგოლ უხმარაძე, რომელიც ჩემი ძველი მეგობარი და შორეული ნათესავი გამოდგა, და ღიმილით მითხრა იმან: მაშ ნინოს სიმღერას რომ გაიგონებთ რაღას იტყვიოთ მაშინ, როდესაც მაგისი თამაშობა თითქმის საქები არ არის და ეგრე აქებთ.

— როგორ, განა ნინო იმღერის კიდევ?

— ღიალ, ჩემო ბატონო, მითხრა იმან ახტნცებით, ნინო მღერის ისე რომ მამის გული აღუღდება ხოლმე და თვალეზზე ცრემლები მომდის...

— მამა, კმარა გენაცვალე მაგგვარი ჩემი ქება! ბატონ ლევანს ეგონება, რომ მე მართლა მანისის ბულბული ვარ და როცა ნამდვილს გაიგონებს, მადლობის მაგიერად, გაჯაფრდება.

— შენ თავ-მოყვარე არა ხარ, ჩემო მტრედო, წაუტუტუნა მამამ და შორს გადგა. ნინოს გარს შემოეხევიენენ სუყველა სტუმრები. მედუღუკემ სალამური მომართა.

ნინო დიდ ხანს იყო გაუბედაობით გაშტერებული. ბოლოს ძლივს-ძლივობით, ხმის კანკალით წარმოსთქვა: „შაენი შაქშენი, შავს გალიას შემსხდარნი“ და კიდევ ჩაჩუმიდა. ჩვენც ჩუხად ვიყავით. მხოლოდ სალამური მცირეოდნად შტვენდა და ნელა-ნელა იწვევდა ნინოს ხმის ბანის მისაცემად. ნინომ განაგრძო ლექსი და ამ ჯერად იმისი ხმა იყო საესე, სრული და შეუდარი. მე ვერ ვიტყვი, რომ ნინოს ხმა გასაოცარი ყოფილიყო თავის ძალით, სიმაღლით და გრძნო-

ბით, მაგრამ ვერც იმას ვიტყვი, რომ მე გამეგონოს რამე იმის დარი.

იმ ხმით შეიძლება მხოლოდ ლოცვა, ღაღადი, ნანა, ოცნება და არა ახტაცება. იმ ხმაზე შეიძლება დამუნჯდე, თვლიდგან მდულარება გცვიოდეს, გულის ცემა შეგიდგეს, მაგრამ მოძრაობა, ტაშის კერა, თვალების ეშხით ანთება, გულის აჩქაროლებელი ტოკვა, შეუძლებელია.

წინა იჯდა თავ ჩაღუნული და თითქო თითონვე სტკებ-ბოდა თავის ხმის ჰარმონიით. არც აჩქარება, არც ეშხის ალი არ ანათებდნენ იმის პირის სახეს, ის მღეროდა მხოლოდ იმას, რასაც ხმა აძლევდა და არა იმას, რასაც, გრძნობდა.

წინა გაჩუმდა და ჩვენც ჩუმად ვიყავით: ცად გატაცებულნი იადონის ლულუნით ვერ ვახერხებდით ძირ ჩამოსვლას.

მშვენიერად მღერის, მშვენიერად! სხენივით დაიხეიხეინა ერთმა სტუმართაგანმა და მხურვალედ ხელი ჩამოართვა წინოს მამას.

ეს „მოხეიხეინე“ პირველად შევნიშნე ამ საზოგადოებაში და გაოცებით თვალები დავაშტერე. თითქო არ იყო სახე მეცნო. სოტახნის შემდეგ მე ცხადად წარმომიდგა ქალაქის ერთ-ერთი საზოგადო ბალი, სადაც ღვინით შეზარხოშებული ყმწვილი კაცები თავის გულის პასუხს ერთმანეთს თავხედურად უზიარებდნენ და მათ უკან ვილაც ჩასაფრებელი იყო ღობის ძირში...

ბიჭო, ფთხილად უთხრა ერთმა მეორეს, ხომ იცი ეხლა ღობეებსაც ყურები ასხიათ და თვალებით ამ გმირ კაცზე უჩვენა.

სუყველანი წამოხტნენ, მაგრამ იუღამ ღობეს გარედ გადავარდნა ინება

მხლა ნათლად წამომიდგა ის წამი, როდესაც ეს ვაჟბატონი ორად მოკეცილი, ხმლით შექურვილი, ამოტურტლული ბალახ-ბულახში, შიშისაგან შეთრთა და კულა ძალისავეთ ღობეზედ გადახტა.

— მს ვინ არის? ვეითხე ჩემ ამხანაგს. საინდგან გაჩენი-
ლა აქა ამ პატიოსან საზოგადოებაში?

— მე ივანე ტაბ—ძეა, ამ სოფლის მღვდლის შვილი, მი-
პასუხა იმან. ბანა დიდი ხანია... რაც რომ სწავლულს განა-
თლებულს კაცს პატიოსან საზოგადოებაში ყოფნას უკრძალავ?

— არა ეგ რა სათქელია, მაკრამ ეხლა რას აკეთებს ეგ
პატიოსანი...?

მე არ მესმის რას ამბობ, მითხრა ჩემმა ამხანაგმა, ეგ ამ
მხარეში ძლიერ მიღებული ყმაწვილი კაცია. მაგან გაათავა
ქალაქის სასწავლებელი, ერთი თუ ორი წელიწადი დაჰყო
აკადემიაში და მასთან ძლიერ შეძლებული კაცის შვილია
და აბა ამ თვისების პატრონს ვინ არ მიიღებს მაგას საზოგა-
დოებაში.. ხილვებს მეთქი, მიიღებს კი არა კიდევ ეძებენ, რომ
მაგან გააბედნიეროს საზოგადოება.

— მაშ მაგან სამსახურს თავი დაანება?

— შთოვოდ, იმიტომ რომ ეხლა უფრო შემოსავლიანი
აღაგი უშოვნია, მიპასუხა ჩვენს ახლო მდგომმა ნიკოლოზ
ბა—ძემ, დაცინვით.— აქ მოვიდა წელს „დაჩათ“ ერთი ვი-
ლაც ბენძლი დედაკაცი, რომელსაც დიდ სიმდიდრის პატრონს
ამბობენ და მაგას მოწყალების თვალთ უცქერისო.

— როგორ, ქვრივია?

— ხა, ხა, ხა... განა მოწყალება მართო ქვრივსაგან
მიიღება... სიცილით გამაწყვეტინა ნიკომ და წამიყვანა ნი-
ნოსთან, რომელსაც ამ ჟამად ზემო ხსენებული „მოხეხვინე“
რალასაც ებაასებოდა.

მს იყო ერთი რალაც ახმახი, მხარ-ბეჭიანი, წოწოლა დი-
დი თავი შავის გრძელის თმით ჰქონდა შემოსილი, გძელი
წვერ-ულვაში და დიდრონი სისხლიანი წურბელივით გავსე-
ბული სხვილი ტუჩები გაუმაძღარ პირუტყვის შეხედულებას
აძლევდნენ იმის მწვანე ვიწრო თვალები და ნისკარტიანი
ცვირი იქნება ურიგო არ ყოფილიყო სხვის სახეზედ, მაგ-
რამ იმის ჭიმშიდველ შეხედულობას, აორკეცდნენ. დიდ-
რონი წვეტიან ფრჩხილებიანი ხელები ძრიელ ახლო ეჭირა
იმას ნინოსთან და ამ შემთხვევამ მთლად აამღერია ჩემი გუ-

ნება. მე შეუტრაცოვად მიმაჩნდა ამ ბატონის სიახლოვე იმ ზეციურ ქმნილებასთან და მზად ვიყავ ვარდისთვის ყოვანი მამეშორებინა, მაგრამ ამ დროს ნინო წამოდგა და თითქოს დაღალულ, დაწყევტილი შინისაკენ გაეშურა.

*
* *
*

შემოდგომა იყო წყნარი, მშვიდობიანი, მოსავალი მრავალი და ხალხი მხიარული. შოველ ნაბიჯზედ თქვენ შეხედებოდით შეზარბოშებულ მექორწილეთ, რომელნიც ქეიფით და ღრიანცელით მაყრად მისდევდნ „ნეფე დედოფალს.“

შუა დღე იქნებოდა. წმინდა ბიორგის ეკლესიის გაღვენში ორი ფაეტონი იდგა და მრავალი ხალხი ტრიალებდა. მე მივხედი რომ ქორწილი საინტერესოა და რის ვაი ვაგლახით მიეწი-მოვწიე ხალხი და ეკლესიაში შეველ.

ტრაპეზის წინ დავინახე მე ნინო უხმარძისა საპატარძლოდ მოართული, გაფითრებული იმისი სახე აღარ ირჩეოდა თეთრ ტანისამოსთან. ვიცან და ვერც ვიცან მე უებრო ნინო. იმისი მუდამ ჟამს მოღიმარი, მცირეოდნად გაღებული ბაგე, მწუხარებით მაგრა იყო მოკუმული, სიტკბოებით საესე მშვენიერი თვალეები, გაშტერებით დასცქეროდნენ დედა-მიწას. ჰეკლუცი ტანი თითქოს მოჰბუზოდა და მოშვებოდა. ის მარმარილოს ნაქეთივით, უნძრეველად, უაზროდ იდგა ივანე ტაბ—ძის გვერდით.

ტაბ—ძე კი ბედნიერებით თრთოდა. მოუთმენლობით საესე იყენენ იმისი მწვანე თვალეები, იმისი გძელი ფრჩხილეები მზად იყენენ თავისის დანიშნულის შესაპყრობლად.

პირველ დანახვაზედ მინდოდა დამეყვირნა და მით შემენძრია ცა და ქვეყანა ამ საშინელებისთვის, ამ უმანკოების ამ სამოთხის ყვავილის დხელთებისთვის... მაგრამ შუბლზე ხელი შემოვიკარ; გონებას დავეკითხე და გარეთ გამოველ.

მე უაზროდ წაველ უხმარძიანთ სახლისაკენ, თითქო იქ მინდოდა შემეტყო ამ უცნაური ქორწინების მიზეზი. ზრიგოლ უხმარძე ბოლთას სცემდა თავის აივანზედ. ის იყო მაღალი, მშვენიერი შეხედულობის ვაჟაკი. თავი ამას ყო-

ველთვის მაღლა ეჭირა, თავის განიერად გადაშლილ მხარბეკზედ. ტანთ ეცვა ლაქვარდი ხავერდის ქულაჯა, შავი კაბა, ყომრალი განიერი შარვალი თეთრს მაღალ წალბებში ჩაკეცილი, პატარა ბუხრის ქუდი კოხტად ჰქონდა თავს წამოდებული, როგორადაც შეხედულობა იყო ამისი უზადო, ისედაც ყოველი ამის განძრახვა. მრმოცდა ათის წლის ამის კალარას ჯერ ჩარქი არ მისცნებოდა წუთი სოფლის მაცდურობისა. მს ყოველთვის ამობდა იმას, რასაც გრძნობდა და კიდევ სჯეროდა ის-ვინც რას არწმუნებდა. საეჭვოს არც არას იტყოდა და არც სჯეროდა თუ სხვის ნათქვამი საეჭვო იქნებოდა.

შოველთვის კმაყოფილი თვისის სინილისის და ტკბილის ლუკმისა, შრიგოლ ყოველთვის მხიარულად და კმაყოფილებით ატარებდა თავის ცხოვრების მიმდინარეობას.

მაგრამ დღესკი ჩვეულებრივი კმაყოფილება განეფანტა ამის ქალის „გაბედნიერებას.“ შეკმუხნილის სახით, თავჩალუნული საჩქაროდ დადიოდა და შავ ფიქრებში იყო გართული.

მ. გაბაშვილისა.

(შემდეგი იქნება).

ლ ე მ ს ი

მე თუ შეითხავე დედა ჩემო
ვინც რომ მიყვარს ის ბინდა,
თუ შენ ჩემთვის ქმარი გსურს
სსვა ნურავინ ნუ გინდა.

ნუ წამართმევ იმ კაცსა
დედას ვენაცვალები,
ვინც ზირველად აღმინთო
გულში ტრფობის ალები.

ვისის ეშნით ვულობილვარ
 იმას ვერ მოვშორდები,
 სატროფოს ვერ უღალატებ
 სხვას ვერ ჩავეკანები,

ბუნებამ მისთვის შემქნა
 ვის ტროფობამ დაძიმონა,
 ვისიც გული და გრძნობა
 ჩემს გრძნობას შეეწონა.

ჩვენ ერთის ბედისა ვართ
 ერთმანეთის მსვედრი ვართ,
 მტკიცე სიუვარულითა,
 მანგრად გადაბმული ვართ.

ვერ დაარღვევს ჩვენს კავშირს
 ვერა კვარი ძალები,
 დამიჯერე მართალს გითხრობ
 დედას ვენაცვალები.

რისთვის კინდა წამართვა
 ამ ქვეყნად ნეტარება,
 და გამსადო მის ცოლად
 ვინც რომ მე შეჯახვრება?!

მაგას ნუ მიქ ღვთის გულისთვის
 ნუ მომიწამლავ სულსა,
 ნუ მამორებ საუვარელს
 ნუ დამიჩაგრავ გულსა.

ქაიხოსრო გელოვიანი.

ყ რ ი ე ლ ა ვ ე ს ტ ა .

(გაგრძელება).

სილვა.

ჩვეულების მებრ

თავისუფლათა ვრცხვით ჩვენს თავსა;
 შენ ამჟამტავენობ. შენის ცოდნითა;
 მე კი—როდესაც გონების თვალთ
 ესინჯავ ბუნების მიმდინარობას,
 წამთარს, გასაფხულს და შემოდგომას,
 როდესაც კიდებ თვალეზვდ შუშას
 იმა წერტილის გასარჩეველად,
 რომელიც მოჩანს იქ, შორს, სატურნზედ,—
 მაშინ გვრძნობ, რომ მეც, შენც და ვველა სხვაც,
 ვით საკუთარი კერძო არსება,
 არა რა ვართბა და რომ ჩვენ ვცნობრობთ
 ვითარცა რგოლნი ერთის ვაჰჰისა,
 თავისუფალნი მხოლოდ ბუნების
 წესის წინაშე. რა ასე ვიფიქრობ,
 არ შემძლიან ჩემი გონება
 დაუმორჩილო იმდენად იმას,
 რაც სწამდა ჩვენსა მამა-პაპასა,
 რაც საუკუნეთ განმავლობაში
 იყო უძრავად და შეუწყველად—
 არ შემძლიან დაუმორჩილო
 იმდენად, რომ მე თქმა არ შემძლოს:
 „იქნება ეს სულ შეცდომა იყოს.“
 მაგრამ ესდენ ხნის განმავლობაში,
 ხომ უცხოვრია ამ შეცდომასა
 და ჩაოდენის მიღიონ საღისის
 იგი ყოფილა ნუგეშ-მცემელად!

აბა, ურიელ, შენმა რწმენამა
 ერთს ვისმეს მაინც სცა რამ ნუგეში?
 სინიდისით სთქვი—ან თვითონ შენა
 ქობაკევი მასში ბედნიერება?

ურიელ.

უოგელივე ეტ შესაძლო არი;
 იქნება ისიც მართალი იეოს,
 რომ იგი ჟოხი, რომელიც ბრძმასა
 სამი ათასს წელს გზას უჩვენებდა,—
 ჩავთვალათ იმ ბრძმის ნამდვილ თვალეზად.
 ის უავარჯუნი უსინათლოსა
 გზას უჩვენებდა და ატარებდა,
 ის იეო მსოფლოდ მისი თვალეზი...
 მაგრამ უეცრად უსინათლომ
 იხილა სსივი,—თვალთ აქსილა
 და სედაკს თვალთ და არა ჟოხით.
 გამოუთქმელის ნეტარებითა
 იგი უუურებს ბრწყინვალე მზესა.
 შირველად მზე მას თვალეზს უბნელეზს,
 მას ეგელაფური საოცრება სჩანს,
 არ იცის რასაც სედაკს რა ქჭვიანს,
 იგი ხელითა ეხება სავნებს
 და ხანდისხანა კიდეც ბორძიკობს.
 მის ახილული ახლად თვალეზი
 ჟურ ჟოხისათვის არ გაწურთვნილან,
 რომელიც ყველას ბუნდად სედაკდა...
 რომ მაშინათვე არ განიჭებს ჩვენ
 სიმართლე ქვეყნის ამოგნებასა,
 რომ თვალ ახელილს არა აქვს მგვიდრი
 შირველი ბიჯი და მოძრაობა,—
 ნუთუ ამისთვის რასაცა სედაკს
 უნდა ჩასთვალოს მან მოჩვენებად
 და ახილება თვისის თვალეზის

მომაკვდინებელ ცოდვათა? არა,
 არა, დე-სილვა! რა გინდ მტკიოდეს
 თვალნი ხილულნი მზის სსივებისგან,—
 ამ სიმართლისგან ტკივილს შე მაინც
 არას დროს, არსად უარს არა ვუბო!

სილვა.

რასან ატრეა, წადი შენს გზაზედ,
 შენვე ნებაცა თან გამოგუვება,
 და ივლითიცა ველარ გაბედავს,
 დე-სანტოსს კვალად ცრუ დაუძასოს;
 ის არ იზამს, რომ მამა დამარხოს
 და შენ გამოგუვებს ტუეში. მშვიდობით!.. (მიდის და შესდგება).
 შენმა ბასმა უსინათლოზედ
 შე მომგონა შენი ბრმა დედა...

(ავალად მიდის და ავალად უან დაბრუნდება).
 აკოსტა! კავშირს ოჯახობისას
 ჩვენს ხალხში ღრმად აქვს ფესვი გაძვარი.
 მომსდარა, დიად, მომსდარა წინად,
 რომ მოსტეხია ტოტი ტრფობის ხეს,—
 ვით აბესალომ განუდგა დავითს...
 მაგრამ შემდეგა, ჩვენის დევნის დროს,
 როცა მონების უღელს ვზიდავდით,
 როს საშინელის ტანჯვათა შორის,
 ნუგეშს ვიცემდით მსოფლოდ იმ აზრით,
 რომ შვილთაც არის მაინც გუჟყვარვართ,
 რომ ჩვენ გვიფარავს და ჩვენთვის ზრუნავს
 მოხუცი მამა და რომ ღვიძლი მამა
 გვიწოდებს მმასა,—მაშინ ჩვენ უფრო
 ერთმანეთთანა ვკავშირდებოდით
 და კრძალვითა და მოწიწებითა,
 ვუცქროდით ჩვენს სამშობლო კერას.
 ჩვენ ვთმობდით ჩვენსა თავისუფლებას,
 მაგრამ ვერ ვთმობდით ჩვენის მშობლების



ცრუ-მორწმუნებს, შეცდომილებას;
 და იმისთვის რომ ერთი მიგველო
 და მეორე კი უარი გვეყო, —
 ველოდით არა ჩვენს ასაკობას,
 არამედ ჩვენის მშობლების სიკვდილს,
 რომ მოგვეცემოდა თავისუფლებას.
 მაშინ წადი და აღმართე დროშა
 შენთა იმედთა და შენთა ასრთა!..
 ოჲ, ურიელ, შენ ყოველივე ეს
 ნუ თუ გვინა მოჩვენებათა?
 ნუ თუ შენს გულში სრულიად გაქრის
 ყოველი გრძნობა სიბრალულისა?
 ნუ თუ გულ-გრილად უნდა უეურო
 ივდითვისა და მის მამის ტანჯვას?
 გივედრები შენ მოიფიქრევი
 და გადასწევიტე — ვინ უნდა გძლიოს?
 ღაღმა გონებათ თუ მოყვარულმა
 გულმა? შენ თვითონ განსაკუ კარგად
 და მოიჭედი ვითა გიბრძანოს
 შატოისხების იღუმადმა სძამ. (გაღის).

გამოსვლა მახუთი.

ურიელ (მარტო), შემდეგ სვიმონი.

ურიელ.

ნეტავი ეს ხმა მე რას მიბრძანებს?..
 არა, არ მეტყვის მას, რომ სიმათლემ
 ხიყვარულის წინ თავი დასაროს..
 ოჲ, მიყვარს, მიყვარს ივდითი გულით,
 მაგრამ ჩემს თავს თვით შევიზიანებდო,
 რომ დავდნე ვითა წმინდა სანთელი,
 რომ არკადელი მწვემსი ქალივით
 დაუწყო ნაზად ოხვრას და კენესა.
 ჯერ ვირწმუნო და მეორე უარ ვყო?

მევე მსდლად ჩემის თავის წინაშე
 გავსტუნო ფიცი? ოჲ, არა, არა!
 სულის სიტურფე—ჩვენი რწმუნას;
 ის სანატიო ვკარია ჩვენთვის,
 ჩვენსა გულზედა ჩამოკიდული,
 არა რომელიმე შეთვის სელით,
 არა ღრდენტა კანტიტულისგან;
 ის გმირის სელში იგი დროშას,
 რომელსაც გმირა თავს ზედ დაკლავს;
 იგი ქქმნის ღარბს დიდებულ კაცად
 და აძლევეს გერბსა, რომელსაც კაცი
 თვითვე შემწიკვლავს, თუ იმა რწმენის
 თვით შეიქმნება უარ-მყოფელი...
 დრო-გამოშვებით მესმის მე ეს სმა:
 „გული ჭკუაზედ საიმედოა;
 ვით არა, ტრფობაც არ შესცდებოა“, —
 სსვაფრივ მოქცევა არ შემიძლიან!
 აჲ რანდული ამჯობას:
 ეს სიამევე მძღვეს სელში რახტს
 და შირს უეშავს სამარცხვისო შიბს...
 თუ რომ ვისიმე წინაშე ვსტეუი,
 სწორედ წინაშე წმინდის სიმართლის.
 ვერ, ვერც ერთი მღვდელი მე ესლა
 ვერ მათქმევინებს, რომ ჩემი რწმენა
 შეცდომა არის (გასვლას აპირობს).

სვიმონ (კარების გარედამ)

მობრძანდი! ივლითს

შევატეობინებთ.

ურიელ.

ვიდვც არიან!..

ფარისეველ და ღვთის მოსაზოათვის,
 აჲ ჩემი სასე შესაზარია!..

სვიმონ (კარების გარედამ)
 მოზრძანდით შინა; იქ მოიტადეთ! (კარები იღება).

ურიალ (დანასსავს შემოსულებს)
 თქ, ღმერთო ჩემო!.. დედა ჩემია!

გამოსვლა გეგმავს.

ესთერი, აკოსტა, რუბენ, იოველ (ესთერი უსინათლად
 და იგი შემოქცევთ ურიელის ორს ქმას)

რუბენ.

აქ დაჯექ, დედა... (ჩამოსვამს საგარძელზედ).

ესთერ.

შერე, ივდიითი

შემოვა აქა?

იოველ.

ჩვენს ვინაობას

ჯერ არ გაცხადებ.

ესთერ.

თქ, რომ შემქმლას

მე ივდიითისა დანახვას!

ურიალ (ესთერის წინაშე დაინოქებს).

დედა!..

ესთერ.

ურიელ! შენა? შენი ხმა მესმის...

ურიალ.

განა დაწვევდილს შვილს კიდევ სცნობ?

ესთერ.

აი შენი თმა... წვერი... ღოყები...

მათზედ ჩამოგდის მდუღარე ცრემლი...

დიად, შენა ხარ... დაწვევლას, შვილო,

არ შეუცვლისხარ.

რუბინ (მოწყენით).

ივლითისათვის

ჩვენ აქ მოკედით, დედას უნდოდა
ის ჭალი შენ რომ ასე გახედვით
გამოგიცხადა თვის სიყვარული...

ურიელ.

ენასა? მითხარ, რუბენ, ენასა!
ახ, რომ შეგქმლას შენის თვლითა
ნასო ის, დედა!

მსთერ.

გაკვიკე, შეილო,

რომ იგი სახით მშვენიერია,
მაგრამ ის იმით უფრო ტურფია,
რომ შენის უბედურობის დროსა
მან თავი თვისი გაკუთვნა შენა...

ურიელ.

შერე ივლითსა შეატეობინეს
თქვენი აქ მოსულა? დიდისანია
მას შენი ნახვა უნდოდა, დედა,
მაგრამ მე უარს ვუხმებოდი...
აჰ, ვინ მალირსებს იმ ნეტარებას,
რომ მე ივლითი დავსასო ჩემად.

მსთერ.

მე ამ წინადაკე ვიცოდი.

ურიელ.

შენა?

შერე საიღამ?

იოვალ.

დედა მაკითხ

იმას ამბობს, რომ რაკი დაგწუველეს,
ჯაი თუ ამან გაგვაროს ივლითს.

ჟერ არსად აქ შენს უარყოფასედ
არა ისმის რა.

რუბენ.

ჩვენ აქ მოკვდით
კიდევ მისთვის, რომ ამსტერდამიდან
ტატში წავიდეთ ჩვენის დედითა
და იქ დავსახლდეთ.

ურიელ.

თქვენ სუეველანი
ამსტერდამიდან ტატში მიდიხართ?
ჩვენის ბრმა დედით?

ესთერ.

ას, თითქოს ჩემთვის
ორივე ერთი არ იყოს, შეილო!
იქაც ვიფიქრებ, რომ ვითომ აქ ვარ...
როგორათაცა აქაც მგონია,
რომ მე კვლავ ვარ ტატოს ნაზიწვედ!..

ურიელ.

მერე რა მოხვდა? რისთვის მიდიხართ
იქ?

იოზელ

მოკვიტევე... ძმაო..

ესთერ.

განუმიდი!

რუბენ.

მამისაგანა ნახანდერძები,
ვაჭრობა ჩვენი აქ მიდიოდა
ძალიან კარგად...

ურიელ.

და შენც შეიქენ
ხატოვცემული ზიჩი ბირყასედ...

იოვალ.

უეცრად—ესლა...

ურიელ.

გღებნიან, განა?

ჩემის გულისთვის?

იოვალ.

თითქოს რომ აგრე.

რავი რომ შენმა მტრებმა გაიგეს,
რომ შენზედ წვევლა არ იმოქმედებს
და კერასთვრით გზას ვერ შეგვიკრავენ,—
ახლა შენს ჯავრსა ჩვენზედ ურილობენ!

ისტორ.

ჩემზედ კი არა, ჩემზედ კი არა!

რუბენ.

ჩვენ ყოველის მხრით შეგვკავიწროეს:
აღარც სმას გვერემენ, არც თავს გვიკრავენ,—
ამ გვარ ზირობათ შორის ვაჭრობა
შეიძლება-ლა კარგად წავიდეს?
აი ამისთვის წასვლა კარხიეთ.

ურიელ (თავისთვის)

ოჰ, აღასთერო!

ისტორ.

სიამოვნებით

შორ გზას მივდივარ, თუნდ რომ მომიხდეს
ცურვა ზღვაზედა აღწინდებულად,—
მაგრამ მე ამით ვერ ვიციმ ნუგეშს!
შე იქ ვერ ჰზოვებ, ჩემო ურთიელ,
თავისუფლებას და მოსვენებას,
სადაც ცხოვრობენ ებრაელები...
როცა მომივა სიკვდილის ჟამი...
შე ბეგრველ ვიფიქრობ, რომ თუ სიკვდილი
თვალებ ახელილს თვალებს უხუჭავს,

მე უსინათლოს ამიხელს თვალებს
და დაუინახავ კვალად ჩემს შვილებს...
შენ გი ამაოდ დაგიწეუბ ძებნას...
მაინც არ მოდის მანასეს ქალი...

იოკელ.

გარბი გააღო...

რუბენ.

ფეხის სმა შესმის...

გამოსვლა მეშვიდე.

იგინივე და ივლით.

ივლით.

პატრიკემუღნო ბატონებო, თქვენ
მოსულხართ ჩემსა სანასკვად
და ეს სათნო მოსუციც...

(აცქერდება შევლას; ერთს წამს სიჩუმეა).

ურიელ!..

აქა... დედა ჩვენი... (ხელზედ ჰკოცნის ესთერს):

ესთერ.

არა, არა...

მე მომეც ნება, მე, ანგელოზო,
შირს დაგიკოცნო...

ივლით.

დიდისანია,

დიად, დიდისანია, მინდოდა
მიძელო შენგან დოცვა-გურთხევა
და შენში შენი შვილის მსგავსება
შენსა ჩემის თვლითა.

ესთერ.

აგრე!

აგრე შეაქე აკოსტა, შვილო!
აი მაგისათვის მიუვარსარ!

ივლით.

დედა,

მოვა დრო, როცა იმის წინაშე
შველანი მდაბლად თავსა დასრინან,—
ჯერ-ჯერობით კი მას ჩვენის შეტა
არავინა ჰყავს...

მსთერ.

ოჰ ჩემო ივლით,

რა ტუბილად ჟღერენ შენი სატუვები!
ჩემს უსინათლო თვალებში ეხლა,
ეკ შენი სახე თრთის და ციალებს...
შეკრე რა? როცა სიგვდილის ყაში
მომივა, მაშინ ურიელს თვით შენც
არ გაანდერძებ.

ივლით.

თვითონ შეც, დედა?

ურიელის ცოლს?

მსთერ.

ურიელის ცოლს?

შენ ვერ გახდები იმისი ცოლი...
შვილო, შენს მშობელს ნუ გაჯავრებ;
ნუ გაიჭტევი მამის სახლიდამ...
შენ ერთადერთი ჰეგვხარ მამაშენს—
მანასეს მხოლოდ ერთი ქალი ჰყავს!

ივლით.

როგორ?.. ურიელ?.. რას ამბობს ესა?..
შენ... როგორცა სჩანს... უარი გითქვამს...
(დიდხანს უფერებს განცვიფრებული).

ოჰ, ღმერთო ჩემო! მე კი მეგონა,
რომ ამ მსურვალე სიყვარულისთვის,
გზოკებდი ქვეყნად ბედნიერებას!
(დაეცემა ესთერის წინაშე)

ურიელ (გბრძვის თავის თავს, იგი აღელვებული
ხუჩრებს დედას, ივდიოს და თავის ძმებს, რომელ-
ნიც დაღონებულნი დედის სავარძლის უკან დგა-
ნან; იქით).

ოჲ, სილვა, დიად, შენ მართალი სთქვი.
ოჯახის კავშირს ხალხი ჰატვის სტეკს: (საშინელის განწირუ-
ლებით).

რას დგესართ აგრე გაჩუქებულნი?
სთქვით! მე ამდენსა ტანჯვა-წამებას
კეღარ ავიტან...

ივდიო.

დედა!

ამას ჩვენ აღარ ვუყვარვართ...

ურიელ.

მომაკვდინელო

შსამი ასხია ამ ჩემსა გულში...
ვით დაჭრილს ნადირს ბღაველი შწადის...
ოჲ, ნუ მიუურებთ სიბრალუღითა!
იგი ცრემლები, რომელსაც აწ ღვრით—
სიხარულია, ბედნიერება,
იმა ტეცსლთანა შედარებითა,
რომელიც ჩემსა გამშრალს თვალებს სწვამს...
თქვენ სმას არ იღებთ?... მწუსარენი ხართ?...
ჩემგან მოელთ საზარელს ღვაწლსა?...
რომ მე გონება შევწირო გულსა
და ჩემი წმინდა რწმენა-სიყვარულსა?..
ოჲ, სულე ჩემო, ამაო, ზგავო!
აგრე ეაღსზედა რისხათის დგესარ?
მე საზარელო, დამშვიდდი, კმარა!
დანებევი თავი კბილთ სტუნას...
იქვე ჭიად... იცოცე ძირსა—
დაბლა დახარე თავი მიწამდის
და უფრო დაბლა... დაბლა... ოჲ, წყევლა!

აგერა ისა, ის, სიყვარული,
 მღუმარებითა რომ შემომტყეპრის!
 ვით დავასწიო მე იმას თავი?..
 ვინ მისხნის იმის მუნჯ-თვალებისგან?..
 დასუტეთ თვალები!.. შენც უსინათლო,
 დედაკ, დასუტე... ახლა მშვიდობით...
 გამიშვიტ... მივალ... მივდივარ... მივალ!..
 (განწირულებით გავარდება).

ივლით.

თავის დედისთვის გასწირა თავი!

მსთერ.

არა, შენთვისა.

იოველ.

აგურთხე ღმერთო,
 ეს დღე და წამი! იგი უარს ჭეოფს...

მსთერ

შვილო! გამიშვიტ მე იმასთანა!...
 გამიშვიტ შვილო! ჩემ საყვარელ შვილს
 მინდა დაკოცნო... ჩემო ურბელ...
 გამიშვიტ!.. ნეტა ვის ჰქვს ქვის გული,
 რომ მტრად უხდება ჩემს ურბელს?...
 სადა, სად ჭეოკებთ იმის სულზედა.
 უძვირფასესსულს?.. წავიდეთ ყველა,
 წავიდეთ დროით!.. და სადაც შეგვხვდეს
 ყველგან ვიყვიროთ მაღლის ხმითა:
 „უეუტეთ იმას! ეს ის შვილია,
 რომელსაც უუარს თავის დედა-თქო!“

(საჩქაროდ გადის რუბენ და იოველის დახმარებით.)

ივლით (მარტო, ფანჯარასთან)

ჯერ ეზოშია... ძლივს წამოიხსნა

თვისი მანტია... უჭუღოდ მირბის...
ჭუნაში მიდის... შესდგა... ოჲ, ღმერთო!
მარჯვნივ თუ მარცხნივ?... იგი ყოყმანობს...
წავიდა... მარჯვნივ—სინაღლისკენ!..

(მოშორდება ფანჯარას)

ყოველივე ეს რა უცბად მოხდა!..
და... მე—კარ იქნებ დანაშაული...
ასე უცრად, ანაზღაურად...
ოჲ, ღმერთო! მერე რომ უარი ჰყოს!..
ერთი ეს ფიქრი ჩემს სისხლსა ჰყინავს!..
ნუ თუ ზეგარდმო დაწერილია,
რომ ჭელი იმავე სოფლის შექმნიდამ
ყოფს მარადის კაცი საწუეველად?
რა მოწყენილი სახე ჰქონდა მას!
ხელი... მუხლები უკანკალებდა...

(სწრაფად მივა ფანჯარასთან.)

შესდევ... აკოსტა... დაბრუნდი უკან!..
გვიანდა!.. ოჲ, მუხთალო ბედო!
ამ ცოდვისათვის ნუ დაუკნუნი მკაცრად!

(დაეცემა სავარძელზედ.)

(შემდეგი იქნება).

წ გ რ ი ლ მ ა ნ ი

I

მეგობრებო.

* * მეგობრად ნუ აირჩევ იმას, ვინც შეძლებით (ფიზით) შენი თანა-
სწორი არ არის. შენზე მდიდარი შენ გაგარძნობინებს, რომ ის თავისი კე-
თილ კაცობით დავიშვებობდა; შენზე ღარიბს—ამასვე შენ აგარძნობინებ.

აქ უადგალო არ იქნება ვთქვათ რა არის „ეხლანდელი მეგობარი“.—
ეხლანდელი მეგობარი არის; როდესაც „მე“ მდიდარიი—პატიოსანი, კაცუ-

რი ღირსებებით სავსე კაცი, და როდესაც „მე“ უბედურებაში ჩავარდება—
ადამიანი ზემოხსენებულ ღირსებებს შემოცრცვნილი და უჩინ-მაჩინის ქედ და-
ხურული.

II

„ქააწვილ — ქააშხს“

* * რაც უნდა ძალიან გოყვარდეთ რომელიმე საზოგადო საქმე—არ
გაბედოთ ამ საქმეში გარევა, თუ მოთმინებით არ აღჭურვილხართ, თორემ
დაგიძახებენ: „ლაწირაკს“, „წინ-დაუხედავს“, „ქარიანს“ და „ცალა-
ხიანსაც“-კი.



ქართული თეატრი

მთხს თებერვალის ქართულ დრამატიული საზოგადოე-
ბის დასისაგან, არტისტკა ზაბ.-საგარლის ბენეფისში წარმო-
დგენილი იყო ზ. სუნდუკიანცის სამ-მოქმედებიანი კომედია
„დაძმეული ოჯახი.“ რაიცა მოთამაშეთ შეეხება, ყვე-
ლამ სინიღისიანად შეასრულა თავისი როლი, განსაკუთრებით
თვითონ ბენეფიციანტკამ ნ. ზაბუნია-საგარლისამ: სალომეს
როლი სწორედ, რომ ხელოვნურად შეასრულა. მხოლოდ ისა
გვაქვს სამწუხაროდ, რომ ეს ნიჭიერი არტისტკა გამუდმებით
არა თამაშობს ქართულ სცენაზედ... აბაშიძემ მსეფას როლი,
შეუღარებლად ითამაშა. აქ არ შეგვიძლიან სხვათა შორის არ
შეგნიშნოთ, რომ ეს ტიპი მ. აბაშიძემ უკეთ დახატა, ვიდ-
რე ყიფიანი გვიხატავს ხოლმე: ყიფიანი სრულიად ტრადი-
კულს ხასიათს აძლევდა ხოლმე ოსეფას,—მ. აბაშიძე განსა-
კუთრებითკარგი იყო მესამე მოქმედებაში, როდესაც სახლის
ასაწერად შემოდიან.

რაიცა მ.—ბ. ლეონიძისას და ბ. საგარელს შეეხებათ,
საერთოდ, უნდა შეგნიშნოთ, რომ ყოველთვის და ეხლაც

სინიდისიანად ექცევიან თავიანთ საქმეს. ამ წარმოდგენაზედ თავი ისახელა ბებერის ხახოს როლში მ.—ბ. ლეონიძისამ. მ.—ბ. თამაროვისა ასრულებდა ნატოს როლს, მაგრამ ის სიმცქეიტე და გამჭრიახობა, რომელიც ამ ტიპის თვისებას შეადგენს სრულის ჭეშმარიტებით ვერ იყვნენ დაცულნი მ.—ბ. თამაროვისა ცოტა არ იყო. გამბედაობას და სითამამის მოკლებული არის. მაგრამ როგორც ახლად გამოსულს სასცენო ასპარეზედ, რასაკვირველია მიეტყვება. როგორც ეტყობა თამაროვისას სცენა უყვარს, ცდილობს კიდევცა, ასე რომ მომავალში რიგიანი არტისტკა შეემატება ჩვენს ქართულს დასს. ბენეფიციანტკას რამოდენიმე საჩუქარი მიართვეს და წარმოდგენის შემდეგ ბენგალის ცეცხლით და ტაშის კვრით გააცალეს. წარმოდგენაზედ ხალხი ბლომად დაესწრო.

პასუხი ვ. თუშანოვიძეს

საზოგადოდ გაზეთის დანიშნულება და მნიშვნელობა საკმარისად არის გამოარკვეული და დღეს ჩვენში ამაზედ აღარავინ ლაპარაკობს. თუმცა ეს ასეა მაგრამ დღეს ჩემდა სამწუხაროდ მე უნდა მივცე ჩემ თავს ქართული გაზეთების შესახებ ერთი კითხვა, კითხვა გამოწვეულს არა სასიამოვნო შემთხვევისაგან. არც მე ვარ მოყვარე ამ გვარის წერილებისა—უფრო მტერი ვარ და ამისათვის უყურადღებოდ დავტოვებდი ამ საზიზღარ მოვლენას, რომ ეს ამბავი არ შეეხებოდეს იმისთანა პირს, რომელსაც ჩვენ პატივს ვსცემდით და მიგვაჩნდა ერთ უკეთეს ყმაწვილ-კაცად.. მაშ გადავიდეთ საუბრის საგანზედ.

საქართველოში რისთვის უნდა იბეჭდებოდნენ ქართული გაზეთები? —ამ კითხვაზე მევე ვუპასუებ ზოგი ერთი ყმაწვილი კაცების სიტყვით, რომელთაც სხვა არავინ არად მიაჩნიათ, თავიანთი თავი განათლებულ კაცად ჩაუთვლიათ და ჩვენც ვფიქრობთ რომ, ამათ კარგად უნდა ესმოდეთ გაზეთის დანიშნულება—აი, ამ ვაყების აზრით ქართული გაზეთები უნდა იბეჭდებოდნენ საქებად და სადიდებლად იმ პირთა, ვის საზელსაც

რამე მიზეზის გამო ახსენებენ ეს გაზეთები. ავიღოთ მაგ. „თეატრი.“ ნომ არ შეიძლება, რომ ამ გაზეთმა თეატრზე არა თქვას რა. ჰო, და აი ამ საუბარში უნდა აქოს და აქოს, აქოს დაუბოლოვებლად ყველა: აქტორები —ქალები, აქტორები—ვაჟები, სცენარისტი, მაშინისტი დავიდავა, რეჟისორი, კომიტეტი, კარების მცველნი და სხვ. და სხვ. ერთი სიტყვით ყველა უნდა აქოს გარდა ..მაყურებელი საზოგადოებისა—ამათ რამდენიც უნდა სწავლი-ტოს, ჰკვლიდნენ; ამის ნება აქვს გაზეთს, სხვა არაფრისა. გაზეთი „თეატრი“ არ უნდა ენებოდეს არა გვარ თეატრის ნაკლულეგანებას, არ უნდა აძლედე მის მოთავეთ არა გვარ რჩევას. რომ ეს ასეა დაგიმტკიცებთ მაგალითით. „თეატრი“-ს მესამე ნუმერში ბ. „ორთაჭაღელმა“ ორიოდ სიტყვა თქვა თეატრის ნაკლულეგანებაზე და სხვათა შორის შეენო ბ. რეჟისორსაც. ყვე-ლა დაგვთანხმება, რომ იმ ნუმერში საწყენი და გასაგებარებელი არა იყო რა და თუ ვინცობაა, იმ შენიშვნის დამწერი სჯუიდა რაშიმე—შეიძლება შემდეგ ნუმერში ამავე გაზეთისა მიეცათ პასუნი და გაემტყუნებინათ დამწე-რი. მაგრამ, არა! აი რა ამელობინა ბ. ვ. თუშ—შვილმა. აიღო და მოგვწე-რა შემდეგი წერილი: „თუცა გაზეთს ჩემი ძმის სახელობაზე ჰკვანით, მაგრამ ხელის მომწერი მე ვარ?! და გთხოვთ მომისპოთ გამოგზავნა... ამ სიტყვებს მოსდევს ბევრი მეტად „კეთილ შობილური“ სიტყვა-პასუნი, (სიტყვა-პასუნი შეეცუბა ვინ რომელ საზოგადოებას ეგოთენის) ეს კიდევ არაფე-რი. ამას არ დანდერდა და თურმე ვილაც... ბიჭ-ბუჭებს შეჰყვენის: აბა ერთი კი-დევ ამოილოს ნმა ბ. „ორთაჭაღელმა“ და მე დაუმტკიცებ ვინცა ვარო; თუ სამ-სახურიდამ არ გამოვადებინებ და რაღა კაცი უნდა ვიყოვო... აი ბატონებო! ვის ხელში ეყოფილვართ! აი ვისზე ყოფილა დამოკიდებული ჩვენი გაზეთის დღეგრძელობა. ეს ბატონები უნდა უსათოვოდ აქო და ხელის მომწერნიც ეყოლებიან გაზეთს თუ არ აქებ—არამც თუ თავის მაგიერ, სხვის მაგიერ-თაც კი უარს გამოაცხადებენ გაზეთის გამწერაზე; ამის გარდა—გამბე-ჯავს, არა მაქებარს, შენიშვნის დამწერს სამსახურიდამაც კი გამოვადებინე-... წავიდე მერმე და ირიკოს...

ბ. მკითხველო! ეხლა თქვენ განსაჯეთ!

დასასრულ—ბოდიშ მოვიხდი მკითხველებთან. ეს წერილი, ვიმეორებ, არ შეეხებოდეს იმისთანა პირს, რომელსაც ჩვენ თვითონ პატივს ვსცემთ, რომელიც მიგვანხდა, თუ არ პირველ—არც უკანასკნელ კაცად ყმაწ-

ვილ კაცებში, ხმასაც არ ამოვიღებდით: რამდენი ხანია ვიცნობთ ვ. თ. აქამდისინ სულ სხვა აზრისანი ვიყავით და დღეს ცხადად დავინახეთ, თურმე ვსტუევდებოდით და კიდევ ამას ვჯირით—ამ წერილში. მესამე მერში დაბეჭდილი წერილის დამწერი ასე იწყობს თავის შენიშვნას თუ რა: მართლის თქმა მინდაო, მაგრამ ესეც კი ვიცი რომ „მართლის მთ ცნენი შეაზმული უნდა ჰყვანდეს, თქოს, შეფედეს და წავიდეს, თუ ანიდამ არა, ამ ქალაქიდან მიინცაო და—როგორც ვხედავთ გამა კიდევ ეს სიტყვები.

ისევ ის.

ძვირას 8 თებერვალს ქართული დრამატ. საზოგად სისაგან წარმოდგენილი იქნება: „თამარ აბიერი“.

* * * მთხზებათს 11 თებერვალს დანიშნულია ბენე 3. ალექსეევ-მესხიევისა. წარმოდგენილი იქნება „ჭამლეტ შეკსპირისა, თარგმანი ი. მაჩაბლისა.

თქმა არ უნდა რომ საზოგადოება ბლომად დაესწრობა

რედაქტორ-გამომცემელი ვ. სახაშაძე